

Transkription von Urkunde HST 1319a

Ort, Datierung: Stralsund, 1319-03-23

Signatur: Stadtarchiv Hansestadt Stralsund, StU 0147 [\[online\]](#)

Inhalt: Wizslaw tu Ruyen: Münzpfennigverkauf

Wi wizslaw van der ghnade godes vürste tû Ruyen , Bekennen vnde betughen openbare in dessen breuen . dat wi mit / beradeneme müde vnser trûwen ratgeuen vnde man hebben redelken vûrkoft tû eneme ewighen kope vnser / ratmannen vnde oldermannen , vnde den menen bûrgeren tû deme stralessunde , vnse muntepenninghe vnde mun=/te , vnde wesle dar sulues tû me sunde , vryg tû besittende tû dûnde vnde tû latende mede also we se hadden , vnde / de munte vnde de wesle en scal nergen wesen in vnser landen , vnde in vnser anderen steden , wen tû deme stralessunde . / mer vnse muntepenninghe beholde wi vnde vnse erfnamen buten in me lande vnde in steden als wi se vore hadden . vûr / dessen ewighen kop hebben se vns ge gheuen dusent mark wendischer penninghe ,, Hir enbouen hebben se vns vnde vn=/sen erfnamen dor leue vnde dor vrûntscûp weder ge geuen , dat wi binnen twintich jaren van paschen de nu kumt , / tû welken paschen wi willen desse stücke mûgen weder kopen vor dat sulue gelt , were dat ok , dat wi ofte vnse erf=/namen desse stücke binnen desser tit weder koften ,, so scolde wi vnde vnse erfnamen id yo vmme desse ding holden / also ere breue spreken , de en dar vp vor ge geuen sint , van vns vnde van vnser elderen ,, Hir was ouer her hin=/rich van dechowe . Her siuers van plone . Her Johannes vnde Her Conrat Dotinberch , Her Rickold van me smach=/tethaghen . Her vicke bere . Her Nýcolaws van starcowe . pleban tû bart , vnde hennike bere vnse voghet , Tû er / betughinghe desser ding hebbe wi vnse yngesegel vûr dessen bref ghehenghet . Dat scude to me sunde na godes / bort dusent iar . dreihundert Jar . negentein Jar . des vridaghes na mit vasten .